



REPUBLIKA E KOSOVËS - REPUBLIKA KOSOVA - REPUBLIC OF KOSOVO  
KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD CIVIL SERVICE OF KOSOVO

Pranuar / Dorezuar Prlmjeno/Prodato Received/Delivery	15.03.2021	viti god year	
Organ / Njësia Organ / Jedinica Org./Unit	Nr Prot Br Prot Prot No	Shtojca Prilog Appendix	Sasia Kolicina Quantity
SKIMSHQK	1152/2021		1/4



## Republika e Kosovës Republika Kosova - Republic of Kosovo

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS  
NEZAVISNI NADZORNI ODBOR CIVILNE SLUŽBE KOSOVA  
INDEPENDENT OVERSIGHT BOARD FOR THE CIVIL SERVICE OF KOSOVO

A.nr.21/2021

Këshilli i Pavarur Mbikëqyrës për Shërbimin Civil të Kosovës-Kolegji për shqyrtimin dhe vendosjen e ankesave në përbërje: Malsore Gashi-Bajraktari -kryetare, Arben Mehmeti dhe Eshref Shabani-anëtar si dhe Ardita Perçuku-Shyti-Zyrtare e Lartë për Bashkëpunim Profesional, në cilësinë e procesmbajtëses, kanë shqyrtuar ankesën me numër A.nr.21/2021 të datës 20.01.2021, të parashtruar nga ankuesi me adrese rr. "Shaban Polluzha",nr.223, Komuna e Drenasit, kundër organit të punësimit Ministria e Punëve të Brendshme, në çështjen juridike "masë disiplinore", duke vepruar në pajtim me nenin 6 paragrafin 1.1 nën paragrafin 1.1 dhe nenin 18 paragrafin 1 nën paragrafin 1.6 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr. 02/2018 për Procedurën e Shqyrtimit dhe Vendosjes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për këshillim dhe votim të mbajtur me datën 15.03.2021, mori këtë:

### V E N D I M

I. SHFUQIZOHET Vendimi me numër protokolli Nr.521/2020 i datës 22.12.2020, i Komisionit Disiplinor, i Ministrisë së Punëve të Brendshme.

II. OBLIGOHET Komisioni Disiplinor në Ministrinë e Punëve të Brendshme, që në afat prej pesëmbëdhjetë (15) ditësh nga dita e pranimit të këtij vendimi, të bëjë rishqyrtimin e lëndës për iniciimin e procedurës disiplinore ndaj ankuesit

III. OBLIGOHET Sekretari i Përgjithshëm i Ministrisë së Punëve të Brendshme, që në afat prej pesëmbëdhjetë (15) ditësh nga dita e pranimit të këtij vendimi, t'i ndërmerr të gjitha veprimet administrative për zbatimin e këtij vendimi.

IV. Këshilli i Pavarur Mbikëqyrës për Shërbimin Civil të Kosovës, duhet të njoftohet me shkrim pas ndërmarrjes së veprimeve në pajtim me këtë vendim.



## A r s y e t i m

Ndaj ankuesit i punësuar në Agjencinë e Shoqërisë së Informacionit, sipas Akt Emërimit të datës 04.10.2016 në pozitën "Administrator i lartë i Ti-së për rrjetin mikrovalor", me datën 24.11.2020, Udhëheqësi i tij i drejtpërdrejtë ka iniciuar procedurë disiplinore. Komisioni Disiplinor me datën 22.12.2020, ka nxjerrë Vendimin me numër protokoll 521/2020, me të cilin ankuesit i ka shqiptuar masën disiplinore " *I ndalohet 40 % e pagës për periudhën kohore deri ne gjashtë muaj*".

Ankuesi i pakënaqur me Vendimin me numër protokoll 521/2020 të datës 22.12.2020, brenda afatit ligjor komfor nenit 12 të Ligjit Nr. 03/L-192 për Këshillin e Pavarur Mbikëqyrës të Shërbimit Civil të Kosovës, me datën 20.01.2021, ka parashtruar ankesë me numër protokoll 230/2021 në Këshillin e Pavarur Mbikëqyrës për Shërbimin Civil të Kosovës.

Këshilli i Pavarur Mbikëqyrës për Shërbimin Civil, më datën 27.01.2021 kërkesën për përgjigje në ankesën e ankuesit e ka proceduar tek Ministria e Punëve të Brendshme. Me datën 03.02.2021, Këshilli ka pranuar përgjigjen në ankesë nga Ministria e Punëve të Brendshme, me shkresat e bashkangjitura të lëndës.

**Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova:** Ankesën me numër protokoll 230/2021 të datës 20.01.2021 të parashtruar nga ankuesi në Këshillin e Pavarur Mbikëqyrës për Shërbimin Civil të Kosovës; Vendim i datës 22.12.2020 me numër Nr.521/2020 i Komisionit disiplinor te Ministrisë se Punëve të Brendshme; Vendimi me numër A.nr.384/2019 i datës 07.12.2020 i Këshillit te Pavarur Mbikëqyrës për Shërbimin Civil te Kosovës; Vendimi me numër Nr.3/2018 i datës 01.08.2019 i Komisionit disiplinor te Ministrisë se Administratës Publike; Shkresë zyrtare e datës 15.06.2016 nga ankuesi për Agjencinë e Shoqërisë se Informacionit; E-maili zyrtar i datës 18.08.2016; E-maili zyrtar i datës 16.07.2016; E-maili zyrtar i datës 15.07.2016; E-mailat zyrtar te datës 14.01.2021; E-maili zyrtar i datës 16.12.2020; E-maili zyrtar i datës 15.12.2020; Shkresë zyrtare nga Ministria e Punëve të Brendshme-Departamenti i financave për muajin tetor 2020; E-maili zyrtar i datës 03.04.2019; E-maili zyrtar i datës 05.04.2019; E-mailat zyrtar të datës 04.04.2019; E-mailat zyrtar të datës 22.03.2019; E-maili zyrtar i datës 13.03.2019; E-maili zyrtar i datës 26.02.2019; E-mailat zyrtar të datës 30.09.2014; E-maili zyrtar i datës 05.11.2019; E-maili zyrtar i datës 04.11.2019; Kërkesë e datës 05.11.2019; E-maili zyrtar i datës 04.11.2019; Kërkesë e datës 05.11.2019 dhe 12.11.2019; E-maili zyrtar i datës 06.11.2019; E-maili zyrtar i datës 30.10.2019; E-maili zyrtar i datës 09.06.2020; E-maili zyrtar i datës 08.06.2020; Kërkesë e datës 08.06.2020, 10.06.2020; E-maili zyrtar i datës 12.08.2020; E-maili zyrtar i datës 10.08.2020; E-mailat zyrtar te datës 07.08.2020; E-mailat zyrtar te datës 19.01.2021; E-maili zyrtar i datës 14.07.2020; E-maili zyrtar i datës 10.07.2020; E-mailat zyrtar të datës 19.01.2021; Kërkesa për përgjigje në ankesë e datës; Përgjigja në ankesë e datës 03.02.2021; Akt emërim i ankuesit i datës 03.10.2016 së bashku me përshkrimin e detyrave të punës; Kërkesë për iniciimin e procedurave për komision disiplinor e datës 25.11.2020; Procesverbal i Komisionit Disiplinor i datës 21.12.2020; Ftesë për seancë disiplinore e datës 25.11.2020; E-maili zyrtar i datës 26.11.2020; E-maili zyrtar i datës 25.11.2020; Vendim i datës 30.11.2020 për zëvendësimin e



anëtarit të Komisionit disiplinor; E-maili zyrtar i datës 26.11.2020; E-maili zyrtar i datës 25.11.2020; Formulari për vlerësimin e rezultateve në punë për vitin 2018 për ankuesin; Formulari për vlerësimin e punës për vitin 2019 për ankuesin; Kërkesë për shërbim të pozitës së datës.

Kolegji për shqyrtimin e ankesave, në bazë të dispozitës së nenit 6 paragrafit 1, nën paragrafin 1.1 të Ligjit nr. 06/L-048 për Këshillin e Pavarur Mbikëqyrës për Shërbimin Civil të Kosovës, pasi ka shqyrtuar të gjitha shkresat e bashkëngjitura të lëndës, ka konstatuar se ekziston baza ligjore që lënda të kthehet në rishqyrtim.

Kolegji për shqyrtimin e ankesave ka konstatuar se Komisioni Disiplinor i Ministrisë së Punëve të Brendshme, ka nxjerr Vendim me numër prtokolli Nr.521/2020 të datës 22.12.2020, me të cilin ankuesit i ka shqiptuar masën disiplinore *"I ndalohej 40% e pagës për periudhën kohore deri në gjashtë (6) muaj"*.

Kolegji për shqyrtimin e ankesave, pasi ka shqyrtuar dhe analizuar vendimin me nr. Nr.521/2020 të datës 22.12.2020, të Komisionit Disiplinor të Ministrisë së Punëve të Brendshme, ka konstatuar se: Komisioni disiplinor nuk ka vepruar në pajtim me dispozitat ligjore në fuqi, sepse me rastin e shqiptimit të masës disiplinore: *"I ndalohej 40% e pagës për periudhën kohore deri në gjashtë (6) muaj"*, nuk ka arritur të përcaktoj saktë periudhën kohore, me rastin e shqiptimit të masës disiplinore.

Kolegji për shqyrtimin e ankesave, ka konstatuar se Komisioni Disiplinor masën e ka shqiptuar në kundërshtim me nenin 47 paragrafin 1 nënparagrafin 1.2 të Ligjit Nr. 06/L - 114, për Zyrtaret Publik të Republikës së Kosovës, si dhe nenin 13 paragrafin 13 të Rregullores (QRK) Nr. 11/2020 për Disiplinën dhe Ankesat e Zyrtarëve Publikë, sepse Komisioni Disiplinor ka dështuar që të caktoj kohëzgjatjen e masës disiplinore, pasi që ka dhënë masën *"...deri në gjashtë muaj (6)"*, dhe nuk ka përcaktuar afatin e saktë të kohëzgjatjes së për sa muaj saktësisht vlen kjo masë respektivisht kjo ndalesë e pages, duke lënë kështu të hapur periudhën e ndalesës së pages e që është në kundërshtim me dispozitën e ligjit.

Me dispozitat e nenit 47 të Ligjit Nr. 06/L - 114, për Zyrtaret Publik të Republikës së Kosovës, kjo masë disiplinore është përcaktuar si në vijim : *"1.2. ndalimi nga 20% deri në 40% e pagës për një periudhë deri në gjashtë muaj; duke e lënë në diskrecionin e komisionit disiplinor që në varësi të shkeljes dhe provave të bashkëngjitura të përcaktoj saktë përqindjen e ndalesës dhe periudhën e masës disiplinore brenda përqindjes maksimale deri në 40% e pagës dhe afatit maksimal të kohezgjatjes që është prej deri në gjashtë (6) muaj."*

Kolegji për shqyrtimin e ankesave, poashtu pasi ka shqyrtuar dosjen e lëndës, ka konstatuar masa e shqiptuar nga Komisioni Disiplinor nuk është shqiptuar në pajtim me dispozitat e legjislationit për shërbimin civil.

Komisioni Disiplinor me rastin e rishqyrtimit të lëndës, është i obliguar që të vlerësoj të gjitha provat e bashkëngjitura të lëndës, duke marrë parasysh rrethanat rënduese dhe lehtësuese,

gjithashtu për ankuesin të vendos për shqiptimin e masës disiplinore ne proporcion me shkellen e kryer, në pajtim me nenin 50 paragrafin 2 të Ligjit Nr. 06/L-114 për Zyrtarët Publikë të Republikës së Kosovës, si dhe te caktoj sakte perqindjen dhe kohëzgjatjen e mases disiplinore në pajtim me dispozitat e Ligjit Nr. 06/L-114 për Zyrtarët Publikë të Republikës së Kosovës dhe aktet nënligjore për zbatimin e këtij ligji.

**Këshillë juridike:** Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë-Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalon ekzekutimin e këtij vendimi.

**Këshilli i Pavarur Mbikëqyrës për Shërbimin Civil të Kosovës**  
Lënda me numër A.nr.21/2021

**Ardita PERÇUKU-SHYTI**

**Procesmbajtëse**

**Malsore GASHI-BAJRAKTARI**

**Kryetare e Kolegjit**



**Vendimi i dorëzohet:**

- Ankuesit
- Sekretarit të Përgjithshëm të Ministrisë së Punëve të Brendshme;
- Udhëheqësit të Personelit në Ministrinë e Punëve të Brendshme;
- Komisionit Disiplinor të Ministrisë së Punëve të Brendshme dhe
- Arkivit të KPMSHCK-së.